

սրբութի քո համագրել ը նբս. զայն զոր ունիմք այժմ  
բաստաբան ի յերկինս որ եղև ի յերկրի հայր հասարակաց:

Ո՞վ էր, ուստի եկած սոյն Կ. Պոլսեցի Յա-  
րութիւն Արքեպ. ի Հռոմ, երբ կաթողիկէ Եկե-  
ղեցւոյ հետ միաբանած: Այս եւ նման պարա-  
գաներ կը մնան տակաւին ծածկեալ: Մեզի կը  
ներկայանայ առաջին անգամ 1712ին ի Հռոմ,  
իբրև Արքեպիսկոպոս Պաղեստինի Կեսարիա  
(Քայսերիէ) ծովահայեաց քաղաքին: Ինք իբր  
1670 կամ քիչ աւելի յառաջ ծնած է ի  
Կ. Պոլիս, յետոյ Ս. Երուսաղեմի վանաց Միա-  
բան եւ յետոյ եպիսկոպոս եղած է, քանի որ  
Սոյ Կաթողիկոսաց թեմին վերաբերեալ քա-  
ղաքի մը Արքեպիսկոպոսն էր, ինչպէս որ վերո-  
գրեալ վկայականին մէջ ինք զինք կ'անուանէ  
"սպասաւոր սուրբ Երուսաղեմի": Երիտասար-  
դութեան տարիներն անցուցած պիտի ըլլայ  
Երուսաղեմայ երկու Պատրիարքներու՝ Մինաս  
Վ. Համթեցւոյ եւ Գալուստ Վ. Կայծակի հետ  
(1689—1704) եւ այլոց, որոնք կաթողիկէ  
Հայերու պատմութեան մէջ իրենց տեղն ունին,  
ինչպէս ուրիշ տեղ կը տեսնենք, ինչպէս նաեւ  
Ս. Երուսաղեմի Միաբան Սարգիս Եպ. Եւգո-  
կիացւոյն կենակիցն (Հ. Ա. 1911, էջ 267) եւ  
բնականաբար նաեւ ասոնց կրած հալածանք-  
ներուն վիճակակից եղած է: Արդէն վարն յա-  
ռաջ բերուած տապանագրին երկու տողը ցոյց  
կու տայ որ ժամանակին յուզուած կրօնական  
ալէկոծութեանց մէջ ինքն ալ դեր մ'ունեցած  
է. վասն զի կ'ըսուի.